

Hs. 42, 214

AIN ANDER SPRUCH.

10 Wend Ir horen manige sach,
 Wy aim studenten geschach
 Züe Prag In der werden stat?
 5 Da ward er an fröden stat.
 Er ging aüf der stras an zwer,
 Ein schone fraw ging gen Im her.
 Er sprach: fraw vnnverzigen,
 Solt Ich heynach pey eüch ligen,
 10 Ich wolt eüch trewten also schan
 Vnd woltz eüch zü acht malen than.
 Dar er hort dye pürgerin,
 Der was wol mit sotter mynn.
 Sy het dye red wol vernümen.
 15 Aüf dye nacht hies sy In kumen,
 Zue der thyr hieß sy Inn stann,
 So wolt sy In hin ein lann.
 Hs. 42, 214^b Des nam der student eben war.
 Aüff dy nacht so kam er dar.
 20 Er clopfet tugntlichen an.
 Das er hort der fräten mann,
 Dy fraw was gar Süß entschlaffen;
 Der mann pegündt herab laüffen.
 Der mann hat wol vernomen dy mär,
 25 Er thet, als ob er dy fraw wer,
 Vnd sprach: pistü da?
 Der student sprach: ja.
 So thüt leyß vnd gemach,
 Das mein man nit Erbach!

5. ? sat. 12. ? Das. 20. ? tougenlichen.

- Leg dich da her In dy kisten,
 So wil Ich dir dein leben fristen.
 Mein man wil schir auff stan,
 So wil Ich dich zw mir an mein pett lan.
 5 Der stüdent gedacht In seinem mütt:
 Ich hoff, mein ding das wer gütt.
 Da gedacht der wirt In seinem sinn:
 Zbar Ich gib dir deiner mynn.
 Er thet nindert den gleichenn
 10 Vnd gundt wider an das pett schleichen
 Piß an morgen fraw an allen schaden.
 Er pegündt sein freündt laden
 Hs. 42, 215 Vnd darzw dy Irn auch.
 Darnach so war Im gach,
 15 Er wolt In ain guet mal geben
 Vnd wolt sy lassen sehen ebenn,
 Wy er ain poß weib hett
 Vnd wye sye ein Inn die kisten gelaitt hett.
 Do mit wolt er sy pringen In tot
 20 Vnd wolt sy machen schamrot.
 Die fraw west nyt vmb dye mer,
 Fur dye kisten ging sy her.
 Das er hort der student.
 Er sprach: das dü werdest geschent!
 25 Wie hastü myr so vbel gethan?
 Wiltü mich nit aüs lann?
 Do sprach dy fraw: waffenn!
 Ich han nach verslaffen,
 Dych hat mein man hin ein gethan,
 30 Ich will dich gern her aüs lan.
 Do lies sy In her auß.
 Er lieff pald aüs dem haus.
 Die fraw gedacht: wie sol Ich thann,
 Das Ich mein man laiche schan?
 35 Sy ging do ze hand,
 Hs. 42, 215b Da sy die allten kellin fand.
 Sy sprach: dü solt pald laüffen,

Myr ain Jüngen essel kauffen.
 Do mit frystu myr mein lebenn.
 So will Ich dyr zechen pfund geben.
 Die kyllin nam Ir nit spot
 5 Vnd kaufft ein Jungen essel trat,
 Den slossentz In die kisten hin ein.
 Des günd die fraw frolich seyn.
 Dar vmb west der man nit.
 Das was aüch ein klüger sitt.
 10 Do nun dye freynd sassen
 Vnd getruncken vnd geassen,
 Do sprach sych der man,
 Der wolt nün heben an:
 Ir sünd her gan;
 15 Was mein weib hat gethan,
 Das wil ich euch lassen sehen,
 Was myr heint ist beschechen.
 Einer kam her ein gegangen,
 Den han Ich gar wol gefangen,
 20 Das was avch ein fremder mann;
 Des mein weip nit läügen kan.
 Hs. 42, 216 Do sprach dye wirtyn,
 Die was klug an Irm syn:
 Mag Ich nit mit eren pestan,
 25 So will ich von vnserm güt gan;
 Han Ichs aber nit gethann,
 So soltu da von gan.
 Der wirt der sprach schon:
 Fraw, das wil Ich gern than,
 30 Wer des spils vnrecht hab,
 Das sich der vom güt trab.
 Sy gingen züe den selben stüнден,
 Do sie dy kisten fünden,
 Vnd slüssens aüf pey der thür:
 35 Do rackt eyns esels mäül her für.
 Do kam die fraw auß grossen panden;
 Do stund der man In schanden,
 Do er den essel ane sach.

Nu mügt Ir horn, wie er sprach.
 Pfü dich, dü ver flüchtes thier,
 Hat dich der teüffel gessendet myr,
 Da Ich dich do herein sprat?
 5 Das dich der teüffel nit zerzart!
 Ich wand, dü werrest ein rechter mann.

Hs. 42, 216^b Trestü denn vier yssen an?
 Ich kan dein nymmer mer vergessen.
 Ich wolt, dich hetin die wolff fressen.
 10 Sein weip trost er nit mer straffen,
 Er müs selbs do von laüffen.
 Weibes lyst hand kein gründ.
 Sye ver kleibt jn den münd.
 Er wolt sein weib verfürd han,
 15 Do müst er selb In schanden stan.
 Die abentewer dye hat ein end.
 Frawen list sind pehend.
 Keiner soll sich tüncken also gescheid,
 Das er frawen list verid,
 20 Wan es wurd Im doch zu schber.
 Also hat geredt der schmiher.

4. ? Daß dich der teufel nit zerzart, Do ich dich da herein spart!
 6. ? warst. 10. ? torst. 13. ? im. 19. ? vermeid.